

# Communicaziun a las medias BCG

## La BCG preschenta soluziuns digitalas en occasiun da fieras a Grüşch e Panaduz

Cuira, ils 25 d'avrigl 2017 – La Banca Chantunala Grischuna (BCG) fa part da las fieras «Prättiga» a Grüşch ed «Imbodamess» a Panaduz che han lieu l'avrigl ed il matg. Visitaders pon sa famigliarisar cun l'assistent da finanzas digital, cun l'app da mobile banking e cun il nov e-banking. Medemamain pon ins visitar virtualmain chasas cun models 3D.

La Banca Chantunala Grischuna è dals 28 fin ils 30 d'avrigl sin visita a la [Prättiga](#) en la halla da glatsch a Grüşch e dals 5 fin ils 7 da matg a la [Imbodamess](#) en l'arena da kart a Panaduz. En il center dals stans stat la preschentaziun da soluziuns digitalas.

### Assistent da finanzas digital e nov e-banking da la BCG

Collavuraturas e collavuraturers preschentan live al stan da la BCG l'app da mobile banking cun il nov assistent da finanzas. Uschia han clientas e clients adina sut controlla lur transacziuns, inclusiv ina survista da las expensas ordinadas tenor categorias. Da quai fa part er ina simpla planisaziun dal budget. Ulteriuras infurmaziuns ed in film cun explicaziuns stattan a disposiziun sut [gkb.ch/finanzassistent](http://gkb.ch/finanzassistent). Il nov [e-banking da la BCG](#) vegn demonstrà sin in monitor.

### Visitas virtualas d'immobiglias

Tgi che s'interessa per in'abitaziun, ina chasa u localitads da biro ha fin ussa stuì ir al lieu per survegnir in'impresiun da las immobiglias. Cun ils eglers 3D da [newhome.ch](http://newhome.ch), il portal d'immobiglias gratuit da 18 bancas chantunalas, pon ins spargnar il viadi. Als stans da fiera da la BCG survegnan visitadras e visitaders in'invista virtuala en localitads, pon sa mover en ellas ed endrizzar ellas tenor lur gavischs ed ideas.

### Contact per ils collavuraturers da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1'015 collavuraturas e collavuraturers (stadi dals 31-12-2016). En il chantun Grischun cun sias numerusas vals e pliras linguas, è l'interpresa represchentada cun 58 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 23,9 milliardas in gudogn dal concern da CHF 168,5 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Rendaquint semestrial 2017: 27 da fanadur 2017

Quint annual 2017: 9 da favrer 2018

---